

**UPRAVNI ODBOR-**

Broj: 02-88-4/19

Sarajevo, 19. 09. 2019. godine

Na osnovu člana 129, a u vezi sa članom 160. stav (8) i stav (9) Zakona o visokom obrazovanju („Sl. novine Kantona Sarajevo“, broj: 33/17), člana 55, a u vezi sa članom 100. stav (3) Statuta Univerziteta u Sarajevu, člana 36. stav (1) Poslovnika o radu Upravnog odbora Univerziteta u Sarajevu, uz konsultaciju sa Sindikatom Univerziteta u Sarajevu, te prethodno Izjašnjenje/Mišljenje Ministarstva za obrazovanje, nauku i mlade Kantona Sarajevo akt broj: 11/05-38-29548-2/19 od 19. 08. 2019. godine na prijedlog Senata Univerziteta u Sarajevu od 17. 07. 2019. godine, Upravni odbor Univerziteta u Sarajevu je, na 19. redovnoj sjednici održanoj dana 19. 09. 2019. godine, *d o n i o*

**O D L U K U****I**

Upravni odbor Univerziteta u Sarajevu donosi Jedinstveni pravilnik o radu sa Pravilnikom o unutrašnjoj organizaciji i sistematizaciji radnih mjesta na Univerzitetu u Sarajevu, koji čini sastavni dio ove Odluke.

**II**

Obavezuju se organizacione jedinice Univerziteta u Sarajevu, u roku od najkasnije 60 dana od dana donošenja Pravilnika iz tačke I ove Odluke, donijeti svoje pravilnike kojima se uređuje organizacija i sistematizacija radnih mjesta, a kojima se precizno uređuju pitanja koja nisu uređena Pravilnikom iz tačke I ove Odluke.

**III**

Organizacione jedinice Univerziteta u Sarajevu su obavezne prije usvajanja pravilnika iz tačke II ove Odluke prethodno pribaviti mišljenje Ministarstva za obrazovanje, nauku i mlade Kantona Sarajevo, putem Univerziteta u Sarajevu.

**IV**

Ova Odluka stupa na snagu danom donošenja.

**O b r a z l o ž e n j e:**

Uzimajući u obzir da je Upravni odbor Univerziteta u Sarajevu donio Jedinstveni pravilnik o radu sa Pravilnikom o unutrašnjoj organizaciji i sistematizaciji radnih mjesta na Univerzitetu u Sarajevu (u daljem tekstu Pravilnik) na 13. redovnoj sjednici održanoj 25. 01. 2019. godine, te da je primjena Pravilnika slijedom Mišljenja sa rezervom Ministarstva za obrazovanje, nauku i mlade Kantona Sarajevo akt broj: 11/05-38-1774-1/19 od 24. 01. 2019. godine, vezana za rok od 90 dana, Upravni odbor je ponovno razmotrio navedeni Pravilnik.

Postupajući po Zaključku Upravnog odbora akt broj: 02-13-2/19 od 25. 01. 2019. godine, stručne službe Univerziteta u Sarajevu su izvršile usklađivanje sa Mišljenjem Ministarstva za obrazovanje, nauku i mlade Kantona Sarajevo broj: 11/05-38-1774-1/19 od 24. 01. 2019. godine i primjedbama i sugestijama Upravnog odbora Univerziteta u Sarajevu od 25. 01. 2019. godine, te je revidirani Pravilnik dostavljen u formi Prijedloga koji je prethodno razmatran na 33. redovnoj sjednici Senata Univerziteta u Sarajevu održanoj dana 17. 07. 2019. godine, koji je donio Odluku kojom se utvrđuje Prijedlog Pravilnika.

Shodno odredbama člana 160. stav (8). Zakona o visokom obrazovanju („Službene novine Kantona Sarajevo“, broj: 33/17) i članom 100. stav (3) Statuta Univerziteta u Sarajevu, Univerzitet u Sarajevu je isti uputio resornom Ministarstvu.

U odnosu na dostavljen Pravilnik, Ministarstvo za obrazovanje, nauku i mlade Kantona Sarajevo je dostavilo Izjašnjenje/Mišljenje Ministarstva za obrazovanje, nauku i mlade Kantona Sarajevo akt broj: 11/05-38-29548-2/19 od 19. 08. 2019. godine u odnosu na primijenjenost principa funkcionalne integracije.

Upravni odbor je u skladu sa svojim nadležnostima, razmatrao dostavljeni Prijedlog Pravilnika, te izvršio određene korekcije u odnosu na istaknute primjedbe u dostavljenom Izjašnjenje/Mišljenje Ministarstva za obrazovanje, nauku i mlade Kantona Sarajevo akt broj: 11/05-38-29548-2/19 od 19. 08. 2019. godine, te cijeneći hitnost donošenja internih Pravilnika koji su stavljeni van snage, istekom navedenog roka za primjenu ranije usvojenog Pravilnika, Upravni odbor donio Odluku kao u dispozitivu.

**PREDSJEDNIK  
UPRAVNOG ODBORA**  
*Dr.sc. Murat Ramadanović*



Dostaviti:

- Ministarstvu za obrazovanje, nauku i mlade Kantona Sarajevo
- Organizacionim jedinicama UNSA
- Rektoratu UNSA
- Predsjedniku i članovima UO UNSA
- U dokumentaciju UO UNSA
- Arhivi